



Govva: Nina Maarit West

Go buohccát dahje bártidat

- Daga sadjásašveahkkeohcamuša reivviin, šleađgapoasttain dahje teakstadieduin ovdal bargguid álggaheami.
- Almmut sadjásašveahki geavaheamis dalán boazoisidii.
- Ordne alcet ovdalbearranregistarii merkejuvvon sadjásačča.
- Sádde buhtadusohcamuša ja kopia rehkegis Melai čuovvovaš mánotbaji áigge sadjásašveahki álgimis.

Badjeolbmo sadjásašveahkki

Badjeolmmoš sáhtá oažžut sadjásašveahki boazobarguide bargonávccahisvuoda áigge. Ovdal sadjásačča lágideami ja sadjásašveahkebergguid álgima badjeolmmoš galgá dahkat čálalaš sadjásašveahkkeohcamuša Melai ja almmuhit sadjásašveahkkedárbbustis bálgosa boazoisidii. Go sadjásašveahkebergu lea nohkan, badjeolmmoš sáhtá ohcat sadjásašveahkebuhtadusa. Buhtadus máksojuvvo sadjásašveahkeberggu dahkan fitnodatolbmui dahje fitnodahkii.

Jagis 2015 sadjásašveahkebuhtadusa eanemusmearri lea 150 diimmu ja 90 beaivve kaleandarjagi áigge. Almmá doaktárduodašusa sadjásašveahki sáhtá oažžut eanemuštá čieža beaivve kaleandarjagis. Nuba maid oanehis bargonávccahisvuodaáigodagain lea álo buorre bividit doaktáris, dearvasvuoda- dahje buohc-

cedikšáris duodaštusa. Duodaštus laktojuvvo sadjásašveahke- dahje buhtadusohcamuššii, mii sáddejuvvo Melai.

Geas lea vuoigatvuohta sadjásašveahkkái?

Sadjásašveahki eaktun lea bakkolaš MYEL-oadju ja uh-cimuštá 50 lohkobohcco. Maiddái vuollel 18-jahkásaš seamma dálloalul orru máná oamastan bohccot váldojuvvojit vuhtii. Sadjásašveahki ohcci galgá leat boazoeaiggát.

Badjeolmmoš, guhte oažžu bargonávccahisvuoda-ealáhaga dahje dievas ealáhaga sturrosaš veajuiduhttin-doarjaga, ii sáhte oažžut sadjásašveahki. Kela juolludan ealáhagat eai goit leat eastta sadjásašveahkkái.



Sadjásašveahkkevuoigatvuohta ohccojuvvo čálalaččat ovddalgihtii ja sadjásašveahkkebuhtadus mañálgihitii.

Gii sáhtta bargat sadjásažžan?

Badjeolmmoš sáhtta oastit sadjásašveahki ovdalbearranregistarii merkejuvvon fitnodatolbmoss dahje fitnodagas. Badjeolmmoš bearašlahttu dahje bearašlahttu fitnodat ii sáhte doaibmat sadjásažžan. Bearašlahtun adnojuvvojit náittosguoibmi dahje ovttasorru sihke badjeolmmoš dahje su náittosguoimmi dahje ovttasorru vuollel 18-jahkásaš mánná, mánámánná dahje adopterejuvvon mánná, guhte orru fásta badjeolmmoš dálloalusa.

Nubbi badjeolmmoš dahje ovdamearkka dihte badjel 18-jahkásaš mánná sáhtta doaibmat sadjásažžan, jos sus lea Y-dovddaldat ja gustojeaddji merkejupmi ovdalbearranregistaris.

Makkár bargguid sadjásaš sáhtta dahkat?

Sadjásašveahkkebuhtadus máksojuvvo sadjásašveahkeáigge vealtameahtun boazobargguin. Lassin eaktun lea, ahte badjeolmmoš livččii bargonávccalažžan dahkan bargguid ieš iežas, bearraša dahje bálgosa lohku. Buhtadus ii máksojuvvo, jos badjeolmmoš bearašlahttu livččii sáhttan dahkat máinnašuvvon bargguid.

Mihtilmas barggut sadjásašveahki áigge

- bohccuid čohkken, rátkin ja njuovvan
- bohccuid guođoheapmi
- bohccuid gárdun ja lassebiebman
- bohccuid mearkun
- návdevahágiid ohcan ja návdevahágiid dustenbargu
- bealdovahágiid eastin
- fuođardeapmi bohccuid lassebiebmama várás
- boazoáiddiid ráhkadeapmi ja divvun (jos dasa ii leat juolluduvvon almmolaš ruhtadeapmi)
- boazobuktage ovddosdikšun, jos dan lea buktage seailuma dáfus vealtameahtun dahkat sadjásašveahkeáigodagas

Mii sadjásašveahkis buhttejuvvo?

Jagi 2015 álggu rájes sadjásašveahkkebuhtadus máksojuvvo sadjásašveahki addán bálvalusa buvttadeaddjái, ii šat sadjásašveahki geavaheaddjái.

Sadjásašveahkin buhttejuvvo barggu dingojeaddji ja dahkki soahpan diimbobuhtadus almmá vejolaš árvvulassevearu. Buhtadus máksojuvvo goit eanemuštá 17 euro diimmus jagis 2015. Dát buhtadus dárkkistuvvo jahkásaččat bálkágerddoniin. Gustojeaddji buhtadus gávdno Mela neahttasiidduin www.mela.fi.

Mo sadjásašveahkkevuoigatvuohta ohccojuvvo?

Sadjásašveahkkevuoigatvuohta ohccojuvvo čálalaččat Melas ovdal bargguid álggaheami. Ohcamuša sáhtta sáddet reiven, šleađgapoasttain dahje teakstadiehtun. Sadjásašveahkeohcamuša galgá máinnašit sadjásašveahki álginaivvi, ohcci nama ja riegádanáiggi sihke dieđu, ahte sadjásašveahki ohccojuvvo buozalmasa dahje bártti dagahan bargonávccahisvuođa vuodul.

Sadjásašveahki ohccojuvvo sierra álo go ođđa sadjásašveahkedárbu albmana. Jos sadjásašveahki joatkašuvvá ja dasa guoski ohcamuš lea juo oktii dahkon, ođđa ohcamuš dahkko dušše, jos ovddit sadjásašveahkis lea juo ohccojuvvon buhtadus.

Sadjásašveahkeohcamuša ii dárbbáš dahkat ođđasit, jos ovddit sadjásašveahkeohcamuššii laktojuvvon doaktárduođastusa bargonávccahisvuođaáiggi gokčá maid ođđa sadjásašveahki áigodaga.

Mo sadjásašveahkkebuhtadus ohccojuvvo?

Sadjásašveahkkebuhtadus ohccojuvvo mañálgihitii, go sadjásašveahkebuhtadus lea dahkon. Buhtadusa galgá ohcat sadjásašveahki čuovvu kaleandarmánu loahpa rádjai. Buhtadusa gánnáha nappo ohcat mañimuštá sadjásašveahki álginaivve čuovvu kaleandarmánu áigge, vai buot sadjásašveahkebeivviid sáhtta buhttet. Buhtadusohcamuša dahká sadjásašveahki ožžon badjeolmmoš. Buhtadusohcamuša vuolláičállá maid barggu dahkan fitnodatolmmoš dahje fitnodaga ovddasteaddji. Ohcamuššii galgá laktit kopia rehkegis.

Buhtadusohcamuššii laktojuvvo badjeolmmoš iežas bálgosa boazoisida cealkámuš. Jos boazoisit lea eastašuvvan, cealkámuša sáhtta addit su sadjásaš.

Oza sadjásašveahkkevuoigatvuođa ovddalgihtii

- sáddemiin teakstadieđu nummirii 050 410 8909
- sáddemiin ohcanskovi šleađgapoastta mielde čujuhussii porosijaisapu@mela.fi
- postemiin ohcanskovi Melai. PL 16, 02101 ESPOO

Oza sadjásašveahkkebuhtadusa mañálgihitii

- sáddemiin ohcanskovi šleađgapoastta mielde čujuhussii porosijaisapu@mela.fi
- postemiin ohcanskovi Melai. PL 16, 02101 ESPOO

**Šleađgapoastta sáhtat sáddet suddjejuvvon hámis
Mela neahttasiidduid bokte www.mela.fi >
yhteystiedot > asiakaspalvelu > suojattu sähköposti**

**Ovdamearka teakstadieđus:
SA-hakemus, työkyvytön alkaen
240915. Pirjo Poromies 281263**